



SIARAN MEDIA

PELANCARAN PROGRAM 'ONE TO ONE TREE' DAN MAJLIS MENANDATANGANI MEMORANDUM PERSEFAHAMAN ANTARA YAYASAN HIJAU MALAYSIA DAN UNIVERSITI TEKNOLOGI MARA (UiTM)

Kementerian Tenaga dan Sumber Asli (KeTSA) melalui Yayasan Hijau Malaysia (YHM) dengan kerjasama Universiti Teknologi MARA (UiTM) akan menyediakan kawasan penanaman pokok di beberapa kampus UiTM di seluruh negara melalui pelaksanaan program 'One To One Tree' sebagai menyokong kepada Program Penghijauan Malaysia : Penanaman 100 Juta Pokok.

Program yang dilancarkan di UiTM Kampus Shah Alam, Selangor turut dihadiri oleh Naib Canselor UiTM, YBhg. Prof. Datuk Ts. Dr. Roziah Mohd Janor, Ketua Pegawai Eksekutif Yayasan Hijau Malaysia (YHM), YBrs. Encik Amin Abdullah, Pegawai-pegawai Kanan KeTSA, UiTM, Jabatan Perhutanan Semenanjung Malaysia, Jabatan Perhutanan Negeri Selangor, YHM dan warga UiTM Kampus Shah Alam.

Satu Memorandum Persefahaman (MoU) antara YHM dan UiTM turut ditandatangani oleh Naib Canselor UiTM, YBhg. Prof. Datuk Ts. Dr. Roziah Mohd Janor dan Ketua Pegawai Eksekutif YHM, YBrs. Encik Amin Abdullah pada majlis ini.

Pihak YHM akan memadankan beberapa kawasan penanaman tersebut dengan mana-mana syarikat swasta yang berminat melaksanakan program penanaman pokok dalam kampus UiTM.

KeTSA amat menghargai usaha baik pihak UiTM dan menjemput institusi-institusi pengajian tinggi awam dan swasta yang lain untuk turut mengambil pendekatan dengan penghijauan kawasan kampus masing-masing selaras dengan Program Penghijauan Malaysia : Kempen Penanaman 100 Juta Pokok yang sedang giat dilaksanakan oleh Kerajaan pada masa ini.

Pada majlis ini, YB. Datuk Seri Takiyuddin bin Hassan turut menanam pokok Merawan Siput Jantan dan aktiviti penanaman pokok ini dilaksanakan secara serentak di Kampus-kampus Cawangan UiTM lain di seluruh negara.

KEMENTERIAN TENAGA DAN SUMBER ASLI

30 Mac 2022

Unit Komunikasi Korporat | Kementerian Tenaga dan Sumber Asli

Tel. : 03-8000 8000 | Faks : 03-8889 4763 | Web www.ketsa.gov.my



KeTSAMalaysia



KeTSAMalaysia



[ketsa.malaysia](https://www.instagram.com/ketsa.malaysia)